

4. Puntua**Aukeratua:B**

Euskal Herriaren Determinazio Askearen bidea egitera goaz, autodeterminazioa eta lurraldetasuna gauzatu ahal izateko ahalmena eskainiko duen Marko Demokratikoa eskuratzeko ekimen politiko orokorra. Autodeterminazioa ez da eskubidearen erabileraren une zehatzera mugatzen, eta ez da ulertu behar inoiz iristen ez den etorkizuneko helburu estatiko gisa. Estrategia independentista trakzio ardatz eta herri aktibazioa aurrera egiteko motor izango duen borroka prozesu moduan ulertu behar dugu, prozesu hori euskal herria eta estatuen arteko konfrontazioa izango du ezaugarri eta alde anitzeko akordioen bidez aurrera egiten joango da. Gaurtik hasita, eta erabilerarako eta implementaziorako bideak urratuko diren heinean, euskal herritar guztien erabakitze eskubidearen bermean eta independentziara hurbildu egingo gaitu. Prozesu bat dela eta, aldi berean, Prozesu Demokratikoaren muina dela ulertu behar da.

5. Puntua**Aukeratua:B**

Euskal Herriak bere etorkizuna erabakitze gaitasun osoa dauka. Horren egikaritzea aldebakartasunetik edo estatuekin hitzartzen diren akordioen bidez egingo da. Eredu orokor horretan kokatzen du SORTUK bere jardura politikoa, bere estrategia eta bere proiektu politiko independentista errealitate bilakatzeko apustua.

7. Puntua**Aukeratua:B**

Euskal Herri sozialista nahi dugu (euskaraz bere horretan, baina puntuarekin). Sozialismoaz ari garenean, kapitalismoaz ari garenean bezalaxe, halaber, pertsona edo herritarrez baino, klase sozialez hitz egin behar dugu. Hala, sozialismoa Euskal Herriko langile klasearen programa propio gisa ulertzen dugu, bai eta esplotazioa, injustizia eta bazterketa ez ezik, horiek eragiten dituen sistema soziala, hau da, kapitalismoa, errotik kentzeko bidean pausoak emateko tresna bakartzat. Halaber, sozialismoa askapen sozialerako prozesu handi baten moduan ezaugarritzen dugu, ororen gaitetik, oinarri gisa ekoizpen-bitartekoen jabetza sozializatzen joatea eta herri-klaseen zerbitzura egongo den ekonomia planifikatua ezartzea hartuko baditu ere, beste borroka batzuk bere baitan ulertuko dituen, hala nola, feminismoa, ekologia edo eskubide sexual eta erreproduktiboen defentsa. Prozesu horren gidaritzat Euskal Herriko langile klaseak izan behar du Euskal Langile Herria (edo PTV) izena har dezakeen herri-bloke hegemonikoan, duen dinamika sozialean, aldi berean jendarte-dinamikan independentziarantz eta kapitalismoa gainditzeko bidean indarrak jarritz. Logikoa denez, prozesu hori gure herriaren ezaugarrietara egokitzen da, gure historia, nortasun eta gaurko zein etorkizuneko beharretara; zentzu horretan, sozialismo identitarioaz ari gara, historikoki sozialismoa eraikitze izan diren bide guztietako esperientzietatik ikasiko badu ere, ez baitu horietako bat bera ere bere horretan kopiatzeko asmorik.

8. Puntua**Aukeratua:B**

3. lerroetik zera kendu: Eliminar en la 3ª línea: "historian noizbait egon zen moduan".

11. Puntua**Aukeratua:A**

Jakin badakigu helburu estrategikoak ez direla berehala eta denak kolpe bakar batean etorriko. Euskal Herriak askatasuna bereganatzeko egin beharreko ibilbideak izatera dinamikoak du. Prozesu izaera du, askapen nazionalerako eta eraldaketa sozialerako prozesua, hain zuzen ere.

12. Puntua**Aukeratua:A**

Gure proiektua gauzatu ahal izateko Iraultza Demokratiko Nazionalerako fasea ireki dugu. Azken bururaino eramaten saiatuko garen egitasmoak, ez bairik gabe, oinarri demokratikoa baitu.

14. Puntua**Aukeratua:A**

Eskubide aitortzatik eskubidea gauzatzeko bideak, baldintza politiko eta sozialen berehalako bizkortze ikaragarririk eta prozesuaren bat-bateko azkartzerik ematen ez den bitartean, fase ezberdinak eta tarteko helmugak bete beharko ditu.

17. Puntua**Aukeratua:A**

Iraultza Demokratiko Nazionala da egungo fase politikoaren gure ezaugarritzea, eta bere praktika elikatzeko bi ekarpen egin zituen Ezker Abertzaleak "Zutik Euskal Herria" ebazpenaren bitartez: soilik bitarteko politikoak erabiltzeko erabakia eta aldebakartasuna.

19. Puntua**Aukeratua:A**

Aldebakartasuna prozesuaren giltzarria da. Halaxe izan zen apustuari ekiteko orduan, lanabes eraginkorra bihurtu arte, baita aurrera begira ere. Prozesu Demokratikoak taupada mantendu dezan, aldaketa politiko eta soziala ekarri nahi dugunon eskutan dagoen lanabesa da.

21. Puntua**Aukeratua:C**

“Aliantza politika eta indar metaketa dira SORTUren jardunean ezinbesteko osagaiak, eta horrek, nahitaez, bere egin moldeak ere baldintzatu ditu, ez, ordea, SORTUri dagokion lan propioa. Izan ere, bere jarduera propioaz harago, beste indar eta eragile batzuekin egin beharreko elkarlanak lehenatasun osoa du, estrategia osoaren arrakastarako gakoa baita. Aldaketa politiko eta soziala gauzatu ahal izateko eta berezko proiektu politikoa egingarri bilakatzeko beharko den indar harremana sortzeaz ari gara.”

25. Puntua**Aukeratua:B**

Paragrafotik honako esaldia kendu: “Gure borondatea garbia eta zintzoa da, gatazka, azken hiru hamarkadetan izandako parametroetan, gainditu nahi dugu irizpide demokratikoetatik”. Horren ordez honakoa jarri: “Gure borondatea garbia eta zintzoa da: gatazka gainditu nahi dugu”.

26. Puntua**Aukeratua:B**

“ETAk bere ekinbide armatua behin betiko amaitutzat jo du, baina horrek ez dio indarkeri ezberdinen errealitateari bukaera eman, ezta gutxiagorik ere. Euskal Herriaren eskubideen egiturazko ukazioarekin batera, Estatuak errepresio makinaria bere horretan mantentzen dute. Estrategia horri, bake bidea gaiztotzen duen neurrian, politikoki aurre egiteko ardura hartu behar du SORTUK, bereziki euskal preso politikoen eta euskal iheslarien eskubideen aldeko lana eginez eta arreta handia jarritz gaixotasun larria dela medio muturreko egoera pairatzen dutenengan. Baina euskal errepresaliatuen inguruan, SORTUren azken helburua, gatazkaren konponbidearekin batera, euskal preso eta iheslari politiko guztiak kaleratzea eta etxeratzea da, mundu osoan bezalaxe, hemen ere, ezin bailiteke gatazkaren konponbidea amaitutzat eman egun errealitate errepresibo horri ere amaierarik eman gabe. Gauzak horrela, SORTUrentzat, amnistia, euskal preso eta iheslarien etxeratzea baino eduki sakonagoa duen kontzeptua da, hain zuzen ere, euskal errepresaliatuen errealitatea sortu duen Euskal Herriaren aurkako ukazio politikoaren amaiera adierazi behar du, hau da, Euskal Herriaren aitortza eta autodeterminazioarako eskubidea aitortuko dituen eskenatoki demokratikoa da amnistiaren ezaugarri politikoetako bat, eta ez egungo marko legalean sartzen den edo ez den errepresaliatuekiko figura juridiko bat. Esan beharrik ez dago bide horretan herritarren mobilizazioa, jendartearen kontzientziazioa eta eragileen aldetik harturiko konpromisoak erabakigarriak izango direla.

28. Puntua**Aukeratua:B**

Gurea Nazio eraikuntzan oinarritutako estrategia independentista da eta arlo edo ildo batetik harago, ildo osoa logika horretan kokatzen da. Faktore eta aldagai asko dago jorratzeko, denak garrantzitsuak, egin beharreko ibilbide politikoaren osagaiak guztiak, eta berezitasun propioekin bakoitza. Nolanahi ere, abagune politikoa gorabehera, euskal nazioaren eraikuntza dugu eguneroko lana, arlo orotan, eremu guztietan. SORTUK eta SORTUren parte-hartzea duten eragile politikoek egin beharreko ekarpena bi zentzutan ulertu behar da. Alde batetik, herri mugimenduan sortutako dinamika soziala indartzea eta, beste batetik, herrigintzan emango diren ekimenei babes politikoa ematea, esate baterako, erakundeen inplikazioa indartuz. Izan ere Fase honetako apustu nagusia Euskal Herriaren egituratze eta artikulazio nazionalen aurrera egiteko mekanismo eta tresneria eraikitzea da. Honako helburuekin: + Ezker Abertzalearen proiektuan sakontzea eta garatu ahal izateko baldintzak sortzea. + Euskal Herriaren errealitate nazionala indartzea, Lurraldetasuna indartuz Estatu propio bat eraikitze mekanismoak indartuz. + Zutik Euskal Herria Txostenak jasotzen duen moduan: Gaur egun marko aldaketarako fasean gaudelarik, nazio eraikuntza balore politiko handia izaten jarraitzen du honako arrazoiengatik: + Gaur egungo eremu instituzionalen mugak eta inposizioaren errealitate gordina-arlo guztietan islatzen dena-azalarazten segitzen du, salaketa hutsetik haratago Beraz nazio eraikuntzak aldaketa politikorako beharra ere azalarazten du. + Hala ere, aldaketaren egunaren zain egon gabe, egunerokotasuna ematen die Euskal Herriaren aldeko lanari eta borrokari. Fase honetan hain beharrezkoa den herri aktibizatorako lanabesa da. + Aldi berean ekinbide eraginkorra da, urrats zehatzak eman baitaitezke, proiektu zehatzak gauzatzeko bidean.

31. Puntua**Aukeratua:B**

SORTU, Ezker Abertzalearen tresna politiko gisa, mantendu behar ditu, borrokarako abagune eta eremu sektorial bakoitzean, abaguneak ahalbidetzen duen proposamen sozial ahalik eta garatuenak, bere diskurtsoa eta praxia klase borrokak, mobilizazio mailak, langile klasea eta herri sektoreen kontzientziazio eta borrokarako grinak dituzten baldintzetara egokituz; beti ere, Euskal Herriko independentista eta sozialista ororentzat erreferentzia gunea izaten saiatuz.

32. Puntua

Aukeratua:A

Barne demokrazia funtzionamendurako giltzarria da. Militantzian eta kidegoan eztabaida, hausnarketa eta ekarpenak zabaltzeko eta elkar trukatzeko bitartekoak jarriko dira. Bere hitzak izan behar du nagusi estrategia eta norabidea zehazteko orduan. Subjektu erabakitzailea behar du izan. Eguneroko jardueran ezartzen diren ardurek eta konpromiso mailek, nahitaez, ezberdintasunak sortzen badituzte ere, kidego guztiak eta kide bakoitzak aukera osoa izango dute informazioaren transmisioan, eztabaida prozeduretan, prozedura horietan hartu beharreko erabaki nagusietan eta ardura banaketan parte hartzeko. Barne kargu politikoak (organo erabakitzaileetakoak) boz bidez izango dira hautatuak, hauteskunde zerrendetarako SORTUK eramango dituen hautagaiak bezalaxe.

33. Puntua**Aukeratua:B**

Barne funtzionamenduan, demokrazia -informazioa eta elikadura politikoa, parte-hartzea, eztabaida (dialektika) eta erabakitzeko eskubideari lotuta- handia behar dugu oinarritzko printzipio gisara Sortun, eztabaidak aberasteko eta erabakien gaineko batasuna indartzeko. SORTUren barruan, eta ez beste inon, burutu behar dira eztabaidatzeko eta erabakitzeko prozesuak eta horretarako Sortuk beharrezkoak diren egiturazko, funtzionamenduzko eta metodologia arloko baliabideak jarriko ditu . Militanteak zuzenean edo kideen bozaren bidezko zilegitasunez osaturiko organoak izango dira erabakitzeko subjektu bakarrak.

40. Puntua**Aukeratua:A**

Askapen prozesuak luzerako hartu duen jitea dela eta, indar metaketan eta aliantza politikan oinarritutako bilgune zabalak (nagusiki, akordio estrategikoen bidetik gauzatzen ari dena) funtsezkoak dira. SORTUK eremu horri eman behar dio lehentasuna, bertan garatu beharreko lankidetzaz zintzoari eta hedatu beharreko dinamika politiko zein sozialari ekarpena eginez.

41. Puntua**Aukeratua:B**

Nazio eraikuntzari, eraldaketa sozialari eta herri aktibazioari berezko garrantzia ematea eta bultzatzea izango dira SORTUren eginbeharrak inportanteenak

0. Puntua**Aukeratua:B**

EGOERAREN AZTERKETAREN ATALA: - Atal osoa berregituratzea proposatzen da , Euskal Herria oinarri gisa hartuta, eta ez egungo zatiketa instituzionala. Gero, Euskal Herrian lurraldeka ematen diren berezitasunak sartu ere. Honela geratuko litzateke: I. Nazioarteko egoera II. Frantziar Estatuko egoera III. Espainiar Estatuko egoera IV. Euskal Herriko egoera - Sarrera orokorra: e.a.k sortutako testuinguru berria, krisia... - IEH - HEH: orokorrak eta honen barruko EAE eta Nafarroakoa.

3. Puntua**Aukeratua:A**

Mundu ordenamendu berria lehia bizitzen ari gara, botere harremanen geometrian ematen ari diren aldaketak indartuz doaz. Batetik, herrialde garatuak (AEB, EB, Japonia...) eta potentzia emergente berrien (BRICS - Brasil, Errusia, India, Txina eta Hegoafrika) arteko talka indartzen ari da. Mundu mailako agertokian, fase unipolarretik multipolarrerako trantsizioa irekitzen ari da, nahiz AEBentzat hori atsegina ez izan. Arrazoi geopolitikoengatik edota lehengaien (petrolio, gasa, ura, mineralak...) jabetza berreskuratzeko asmoengatik, azken hamarkada honetan gerra imperialistak areagotu egin dira munduan. Egun, gerra hauen agertoki zuzena Ekialde Hurbila izaten ari da; Israel eta Palestinaren arteko gerraz gain, "terrorismoaren" aurkako gerraren aitzakian hor ditugu Afganistanen, Iraken, Pakistanen, Libian edota Sirian ematen ari diren aitortu gabeko gerrak. Aurrera begira ez dira eraso gehiago baztertzeko, Iran, Venezuela edota Kubaren aurka, AEBek finkaturiko gaizkiaren ardatzean aurretik dauden beste herrialde batzuen kontrakoekin batera. Horretaz gain, udaberri arabiarra bezala ezagutu ditugun iraulketa prozesuak ere desoreka politikoak areagotu ditzakete, liskarra mundu arabiar guztira hedatuz.

5. Puntua**Aukeratua:B**

Egoera honen aurrean, munduko ezker oso ahul ageri da. Sozialdemokrazia espazio politikori gabe eta agortuta dago. Ezker tradizionala ahulduta dagoen arren, badaude ezkerreko beste adierazpen batzuk indarra hartzen ari direnak, baina ez dute lortu bizi dugun krisi sozioekonomikoaren aurrean eredu alternatibo bat artikulatzea. Aktibazioa erreferentzia instituzional berriei lotuta joan da. Orokorrean, ez dago klase politikoaren deskredituaren aurrean erantzun bat artikulatuko duen indarrik , nahiz eta badauden erreferentzialtasuna irabazten ari diren praktika politiko berriak. Aipagarriena azken hamarkadan Latinoamerikan ezkerreko alderdiak gobernura iristea eta eman dituzten urratsak dira, ALBA (Bolivia, Ekuador, Kuba, Nikaragua eta Venezuela) lekuko. Halaber, aipagarria da Ameriketako Estatu Batuetako eta Kanadako gobernuak izan ezik gainerako estatuak gobernu guztiak biltzen dituen CELAC izeneko instituzioaren sorrera. Mundu zabalari dagokionez, Ekialde Hurbilean ematen ari diren errebolta arabiarretan islam erradikala gailendu zaio ezkerreari. Eta Europako sozialdemokraziak ez du alternatiba errealek eskaini. Gauzak horrela, kapitalismoaren krisiak ez du ezinbestean ezkerrean eta sozialismoaren aldeko apustua indartu. Hala ere, munduko hainbat esperientziak erakusten digutenez, zailtasunak zailtasun, tokian tokiko sozialismo eredu egokituak erakitzea da irtenbidearen gakoa.

Horren adibide nabariak dira Islandiako eredia edota sozialdemokraziaren ezkerrean kokaturiko hainbat indarrek emandako aurrerapausoak (Einhedlidsten Danimarkan, SP Holandan edo Sinn Fein Irlandako hegoaldean, adibidez). Bide beretik, Syriza Grezian edota Sinn Feinek Ipar Irlandan agertoki politikoaren erdigunean kokatzeko erakutsi duten gaitasuna azpimarratu nahi dugu. Islandiako eredia ere hor dago, sozialismoaren bidetik ez doan arren. Honekin batera, eskubide sozial eta politikoen murrizketa sistematikoaren aurkako erreakzio soziala aintzat hartuz gero, hurrengo hamarkadan subiranotasun demokratikoaren aldeko diskurtso eta praktikak indartzeko benetako aukerak daudela pentsatzen dugu.

24. Puntua

Aukeratua:B

puntua osorik kendu

26. Puntua

Aukeratua:C

puntu osoa kendu

28. Puntua

Aukeratua:B

UGT eta CCOO sindikatuak sistemaren parte diren erakunde asistentzial bilakatu dira, langileriaren eskubide-galera negoziatu dute (Pacto de Toledo) eta ez dute ereduaren kontrako konfrontazio politikarik egin, alderantziz, eredian bertan integratu dira, Hitzarmen Soziala esplizituki asumituz.

29. Puntua

Aukeratua:B

Bestalde, egoera orokor honek, populismo, neofaxismo eta demagogian oinarri duten beste indar mota batzuk sortu eta haztea ekar dezake Estatuko zonalde batzuetan. UPyD faxista dugu adibide nagusia.

30. Puntua

Aukeratua:A

Indar politikoaren eta sindikatuen sinesgarritasun faltaren ondorioz, indartu egin dira "15M" bezalako jendarte mugimendu garrantzitsuak. Ohiko molde eta eskemetatik kanpo, nabarmentzekoa da herritarren artean sortutako haserrea eta horrek ekarritako protesta modu berriak. Suminduen fenomenoak eta herri plataformetatik bideratutako mobilizazioek sakoneko aldaketa gogoia erakusten dute. Sistema bera dela arazoa eta benetako demokrazia eraiki behar dela esan dute. Mugimendu hori guztia noraino irits daitekeen ez dago jakiterik. Eragin soziala izan baduela bistakoa da, baina eragin hori zabaltzeko eta iraunarazteko gaitasuna izan beharko du luzera eragina izateko. Estaturik gabeko nazioen gaiari ez diote heldu, baina horrek ez digu galarazi behar fenomeno hori modu irekiz begiratu eta aztertzea.

32. Puntua

Aukeratua:B

Desafio nagusiak oraintxe Katalunian eta Euskal Herrian izango ditu. Izaera eta garapen ezberdineko egoerak izan arren, bietan herri nortasuna garatzeko borondate sendoa dago. Kataluniako prozesua dugu azkenaldian gori-gori. Halere, gaur egungo gertaerak badute aurrekaririk. Estatut delakoarekin gertatutakoak eta orduan Estatuak erakutsitako itxikeriak (eta mespretxuak) joera independentista indartu dute nabarmen. Beste bi arrazoi aipatu behar dira joera hori azaltzeko: alde batetik, azken urteotan garatu den oinarriko herri mugimendua eta, beste batetik, behar ekonomikoak gizartean eragindako hausnarketa. Orain herriari dagokio independentzia lortzeko prozesuari bultzada ematea, indar politiko eta eragile sindikal eta sozialekin batera.

35. Puntua

Aukeratua:B

Erronka horiei heltzeko funtsezkoa izango da indar harremanean eragitea. Abertzale, soberanista eta ezkertiarren arteko indar metaketak fruituak eman ditu arlo politikoan. Kendu:Aldez aurretik aurreikus zitekeena baino prozesu azkarragoa eta indartsuagoa egin da, akordio estrategikoak zabalduz eta garai bateko zauriak itxiz.

36. Puntua

Aukeratua:B

Beharrezko tresnak sortu behar dira jendartea gatazkaren konponbidean aktibatzeko, herritarrak protagonista izan daitezen. Halaber, herritarrak oinarri duten mugimenduak sortu behar dira, estatuak eta Euskal Herriko gainontzeko eragileak gatazkaren konponbidean eta erabakitze eskubidearen alde inplika daitezen behartzeko. Aldi berean, presioa eta tentsionamendua areagotu

behar dira, prozesuan arduragabe eta interes pertsonalengatik urratsik eman nahi ez duten eta, areago, prozesua boikoteatzen duten horiek deseroso senti daitezten. Horrela, herritarren arteko indar metaketaren bidez eta, bestetik, presio soziala areagotzearen bidez, herritarrek eta dagozkion oinarriek mugiaraziko dituzte orain arte pasibo edo boikoteatzaile izan diren eragile horiek. Lehenago fase betean, ELA eta EAJ; eta, bigarren fase batean, PSE.

37. Puntua

Aukeratua:B

Krisiari eta murrizketari aurre egiteko erantzuna emateko orduan indarrak bildu dira. Horren lekuko dira eginiko greba orokorrak, adibidez. Oraindik ere erantzun ildoan indar gehiago egin beharko dugu. Eta horretarako protesta eremutik harago joan behar dugu, aldaketa prozezuak eremu sozialean ere behar lukeen sakontasun eta indarra biltzeko ezinbesteko diren akordio eta dinamikak bultzatuz eta euskal esparru sozioekonomikoaren alternatiba indartuz.

39. Puntua

Aukeratua:B

Estatuek gatazkaren ondorioen, eta bereziki presoen egoeraren, konponbiderako duen «beto» eskubidea aprobetxatu nahi du Prozesu Demokratikoa oztopatzeko eta moteltzeko. Ondorioen gaiei aterabide egokia emanez gero, eremu politikoan independentziaren aldeko indarrak zabalduko lirakeela uste du, prozesuaren beraren balioa sendotuko litzatekeelako eta, beraz, prozesuaren alde egin dutenak bizkortuko lirakeelako. Estatuak ez du eztabaida politiko horretan zer eskaini, eta, lehenago esan bezala, are eta argiago agertzen ari da hori azken aldian, maila gorena jo duen krisi orokorra dela eta.

40. Puntua

Aukeratua:B

Itxikeria pitzatzeko urratsak egin dira, alabaina. PPK, Gobernura iritsita, aurreko hilabeteetan egindako lana desegin zezakeela susma bazitekeen ere, Aietek (eta ETaren erabakiak) mugarrira jarrita zuten. Se ha podido ganar un pequeño espacio de legalidad, aunque NO se podrá poner fin a la dinámica ilegalizadora mientras queden partidos y organizaciones ilegalizadas y la Ley de partidos siga en vigor. Egoera berrian, kartzela politika pitzatu ahal izateko faktoreak azaldu dira; esanguratsuen, Estrasburgoko epaia. Oso gertaera garrantzitsua izan da presoen gaia erabat blokeatuta izan nahi dutela dakusagunean.

43. Puntua

Aukeratua:A

Inoiz baino argiago dago orain dela hogeita hamar urte eraikitako eredu politiko eta instituzionala ez dela egokia Euskal Herriarentzat. Herritarrei hautatzeko aukera murriztu zieten eta Hego Euskal Herria bitan zatitu zuten, nazio proiektua galarazteko, proiektu hori egingarri izateko ezaugarri guztiak biltzen baitzituen gure herriak. Gaur egun ere halaxe da, ikuspuntu ezberdinetatik. Kultura sustatzeko, eskubideak orokortzeko... eta baita proiektu ekonomiko bideragarria gauzatzeko ere. Parametro egokiak ditu, eta krisiari aurre egiteko eta etorkizuneko eredu egokia garatzeko berezko ezaugarriak ere izan baditu.

44. Puntua

Aukeratua:B

EAEn aspaldi jo genuen eredu autonomikoa agortutzat. Lizarra-Garaziko atarian argi bezain garbi azaldu zuten hori Moncloako Estatutuari oniritzia eman zioten indarrek ere. Beste kontu bat da eredu hori eraldatzeko ausardia eta nahia nahikorik ez dela izan.

45. Puntua

Aukeratua:C

EAEn hauteskundeak izan berri dira. Ilegalizazioaren zikloa amaitu da, estatuko indar politikoei indarrean jarraitzeko ahaleginakegiten dituzten arren, gure jardueraren kontrako mehatxuak eta control policial eta judicial zorrotzak ezarri. Prozesu politikoan aurrera egiteko beharrezko baldintza genuen. Hauteskunde hauek, azken urteotako beste gertaera guztiak bezalaxe, prozesu baten logikan ulertu behar dira, ez gertaera isolatu baten moduan.

46. Puntua

Aukeratua:B

Hauteskunde hauek 2011n Bildurekin egindako indar metaketa zehaztu dute. Hiru hauteskunde izan eta gero (Udal eta Foru hauteskundeak, Espainiar Estatuko hauteskunde nagusiak eta oraingo autonomikoak), EAEn koalizioa %25ean kokatu da. Hori da Prozesu Demokratikoari aurre egiteko eta beronek irismen estrategikoa izateko lortutako gihar elektoral.

48. Puntua

Aukeratua:A

Bestetik, EAeko hauteskondeek nabarmen ahuldu dituzte aldaketaren kontrako indarrak. Lehenik eta behin, Gasteizko Legebiltzarrean 2009an asmatutako gehiengo hura gezurrean zegoelako oinarritua, herri gogoak ez baitzien halakorik eman, ilegalizazioak baizik. Aldi berean, herritarrek bere portaera zigortu egin dute. Krisi garaiak sortutako sinesgarritasun ezagatik, alde batetik, eta garai berriari ekarpena egitea ukatzeagatik, bestetik. PPK kontra egin du eta PSEk Aieteko arrastoari segitzeko aukera galdu du. Patxi Lopezen irudia, AEBetan, tren batean, historiarako geratutako da. Oraingo emaitzek inolako hausnarketarik ekarriko duten da galdera, Aieteko Adierazpenak gomendutako elkarrizketa politikoari egiteko eta gatazkaren ondorioen auziari malgutasunez begiratzeko.

51. Puntua

Aukeratua:A

Zenbaitetan gai nagusizat agertu bazaigu ere, hauteskundeetako hegemoniaren lehia ezin daiteke gure ardatza edo berehalako helburu nagusia izan, prozesu politikoari tiratzeko motor eta indar erabakitzailea sortzen ari garen honetan. Bidea da egin beharrekoa. Horretarako nahi dugu indar metaketa ahal bezainbeste zabaltzea. Eta, horretan, PNV hauteskundeetan lehiakide izango da, baina, aldi berean, gainerako indarrei bezalaxe, ibilbide demokratikoa egiteko eskaintza egin beharko zaio.

54. Puntua

Aukeratua:A

Ereduaren krisiak eredu hori sostengatu duten bi indar nagusien arteko krisia ekarri du, bide batez. PSNk gobernua utzi du eta UPNk ez du gehiengo nahikoa, ustelkeriaren kiratsa handitzen den une berean. Egoera horrek hauteskundeak aurreratzea ekar dezake. Horrenbestez, EAekoak egin eta gero Hego Euskal Herrian ez zela urte batzuetan hauteskunde gehiago izango aurreikuspena aldatu behar da, Nafarroa Garaian gertu egon baitaiteke hurrengo erronka, prozesu politikoaren mesedetan jartzen ahalegindu beharko dugun erronka, hain zuzen ere. Alternatiba ez da alternantzia hutsa. Hori litzateke PSNren eredia, baina orain arte gertatutakoan izandako ardurak sinesgarritasuna kentzen dio. Ezkerretik eta abertzaletasunetik aldaketaren ardatza finkatzeko aukera ireki da, nahiz eta jakin behar dugun, eraginkorrak izateko, eremu horretan ere indar ezberdinak izango garela lehian. Geroa Bai-k bere lekua beteko du, eta garrantzitsua litzateke aukera historiko honen tamainako jokabidea izatea, gerora ezker osoari aldaketa proposamen serio eta egokia egin ahal izateko.

78. Puntua

Aukeratua:A

Bostehundik gora urtez Euskal Herriak estrategia inperialista horri erantzuten jakin du, bi Estatuak Euskal Herria menderatzeko eta nazio gisa desagerrarazteko erabilitako zapalkuntzari eta errepresioari aurre eginez eta ahal izan duen neurrian bere proiektu politiko propioa garatuz.

79. Puntua

Aukeratua:B

XX. mendeko lehen hamarkadetako hainbat aitzindari eta ANV-EAE alderdia aurrekari dituela, egungo Ezker Abertzalea ETaren agerpenaren ondorioz eratu zen eta ENAM gisa garatu den mugimendu politikotik jaio zen, eta sortu zenetik Euskal Herriaren askapen nazional eta eraldaketa sozialaren zerbitzura jarduteko konpromisoa erakutsi du. Ezker Abertzalearen ustez, gure nazioaren biziraupena bermatzeko eta haren interes bidezkoak jasotzeko formularik egokiena izaera sozialistako Estatu independentea, Euskal Herria, eratzea da.

88. Puntua

Aukeratua:A

7.- Klase kontzientziaren eta nazio kontzientziaren uztarketak Euskal Herria klase borrokaren esparru autonomo gisa aldarrikatzera eta deslokalizazio neoliberalaren aurrean lan eremu nazionala defendatzera darama SORTU. Ildo horretan, lanpostu duinaren defentsa ere autokontzientzia nazional eta klasekoa indartzen duen nazio eskumena da.

96. Puntua

Aukeratua:A

6.- Euskal Herrian gertatutako aldaketa sozial, politiko, ekonomiko eta kulturek eraldaketa sakona eragin dute jendartearen egiturari. Horren ondorioz, euskal subjektu iraultzailearen osaera aldatu da, baina ez haren funtsa. Hori guztia dela eta, SORTUrentzat Euskal Langile Herriak Euskal Herriko askapen nazional eta eraldaketa sozialerako borrokaren subjektu iraultzailearen izaten jarraitzen du, eta gaur egun hauxe da haren osaera: independentzia eta sozialismoa nahi dituzten langileak, langabeak, pentsionistak, etxeko langileak, emakumeak, gazteak, ikasleak, autonomoak, herri sektoreak...

119. Puntua

Aukeratua:B

Sortu askatzailea da. Askatasunean bizi diren herritarrez osaturiko herri batean soilik existitu ahal da benetazko bakea. Sortu

bakearekin konprometitzen da, ez bakea ezartzearekin. Izan ere, pazifismoa eta bakea ezartzea zapalkuntza kolonialistako eta esplotazio kapitalistako prozesuetan historikoki eta politikoki ideologia religioso eta inperialistei Sotuta egon diren

142. Puntua

Aukeratua:B

Euskal Herriaren ezaugarrietara moldatutako sozialismoa nahi dugu, klase borrokaren, genero eta sexu zapalkuntza gainditzeko borrokaren eta nazio askapenerako prozesuaren errealitate objektibo eta subjektiboetan eraikitzen joango dena eta nazio izaera eta edukia hartuko dituen. Horretan datza Ezker Abertzaleak behin baino gehiagotan aipatu duen Sozialismo Identitarioa.

145. Puntua

Aukeratua:B

Beraz, Euskal Herriaren Erabakitze Eskubidea ez da inolako proiektu politikoren parte, aldarrikapen demokratikoa baizik. Eskubide hori ukatzen duenak demokrazia bera ukatzen du eta, ondorioz, normalizazio demokratikoa. SORTUK indarrak biltzeko konpromisoa hartzen du, konfrontazio demokratikoaren bidetik, espainiar eta frantziar estatuei Euskal Herriaren nazio izaera eta Determinazio Askerako Eskubidea onar ditzatela exijitzeko prest dauden sektore sozial, sindikal eta politiko guztiekin.

148. Puntua

Aukeratua:C

Era berean, indar metaketa lanerako oinarritzko tresnatzat hartuz, SORTUK dagokion erantzukizun politikoa betez, interes nazional eta aurrerakoen bat-egiten dituzten eragile politiko, sindikal eta sozialekin aliantzak eta akordioak garatzen jarraituko du. Hala, SORTUK eragile politiko, sindikal eta sozialez osatutako Herritarren Bloke Independentistaren aldeko apustua egingo du, Euskal Herriaren burujabetza osoa lortzeko estrategiaren adierazpen goren gisa.

149. Puntua

Aukeratua:A

Horrek ahalbidetu egingo luke Indar Metaketara zuzendutako Aliantza Politikan beste urrats bat egitea, Europar Euskal Estatuak eratzea eta onartua izatea helburu izango duen klasearteko Aliantza Nazionala osatzeko bidean. Euskal Estatu hori ez litzateke sozialista izango, baina horretara iristeko aurrerapauso kualitatiboa izango litzateke.

160. Puntua

Aukeratua:B

Gaur egungo ustezko demokraziak emakumeek eta gizonek parekidetasunez parte hartzea eragozten duela jakinik, diskriminazio hori eragiten duten arrazoiak aztertuko ditu, gainditzeko eta gizon-emakumeen eskubide parekidetasuna bermatzeko botere harremanak hautsiz. Emakumeok Euskal Herriaren eraikuntzan ezinbesteko subjektu aktiboak garen heinean, gatazkaren konponbidean ere gure tresna izango da SORTU, horretarako gure parte hartzea sustatu eta bermatuko duten bitarteko eta espazioak martxan jarri.

165. Puntua

Aukeratua:B

ATZEAN (168) SARTU: Azken mendeotan Euskal Herriak menderakuntza egoera pairatzen du espainiar eta frantziar estatuen aldetik. Existitzeko eskubidea, erabakitze eskubidea eta Nazio eta Estatu Librean Nazioarteko Komunitatean parte hartzeko eskubidea ukatzen zaizkio. Aitortzaren ukazioa Euskal Herria nazio proiektu gisa suntsitzeko oinarria da. Ukazio horretatik abiatuz, hainbat eskubide zapalketa burutzen da, hizkuntza, kultura, naziotasun, genero zein eredu sozio-ekonomikoaren inguruan. Horixe da espainiar eta frantziar estatuen eta Euskal Herriaren arteko gatazka politiko historikoaren jatorria, horixe da arazo politikoaren funtsa. (eta 168) kendu

172. Puntua

Aukeratua:A

Proposamen eta eskaintza ugari egin eta askotariko konpromisoak hartu ditu konponbide prozesu bat irekitzeko, Erabakitze Eskubidea (edo Autodeterminazio Eskubidea/Determinazio Askea) oinarri izan behar duen agertoki eta marko demokratiko bat eraikitze bidean.

190. Puntua

Aukeratua:B

Bi Estatu inposatzaileek sistematikoki ukatzen digute hori. Beraz, nazio askapenerako borrokaren bidez soilik lortu ahal izango dugu. Herri boterearen artikulazioaren ondorioz, estatu zein sistemaren egitura formalaren funtzioak zein botere bitartekoak, eredu propioz garaturiko egitura informalen bitartez, egitura paraleloen bitartez, erabiliko dira euskal estatu sozialista eraikitze

norabidean, gaurdanik hasita.

196. Puntua

Aukeratua:A

Oro har, nazio eraikuntza eta eraldaketa soziala gure herriak dituen gabezia eta behar guztiei erantzutera zuzendutako estrategia dela esan daiteke. Hau da, herri eta klase gisa dagozkigun eskubideak erabiltzera eta horretarako beharrezkoak diren tresnak eskuratzera bideratutako estrategia da.

198. Puntua

Aukeratua:A

Ikuspegi abertzale eta ezkertiarretik eredu ideologiko, sozioekonomiko eta soziokultural berri eta justua eraikitzea helburu, nazio eraikuntza eta eraldaketa soziala estrategia integral bakarraren parte dira, nahiz eta, sarritan, elkarrekin loturarik ez duten bi dinamika desberdin gisa ulertuak izan diren (are gure artean ere).

199. Puntua

Aukeratua:B

“Eraiki nahi dugun estatua ezaugarri zehatzak ditu (sozialista, euskalduna, feminista...). Ezaugarri horiek nazio eraikuntza eta eraldaketa soziala lantzeko orduan aplikatu behar ditugu, horrela, joango gara nazio askapenerako prozesuan aurrerapausoak ematen.”

200. Puntua

Aukeratua:A

Nazio eraikuntza eta eraldaketa soziala herri jardunbidea dira, herritarren parte-hartzearen bidez garatu behar den konfrontazio demokratikoaren parte bat. Prozesu politikoan herriak izan behar du protagonismoa: horixe da arrakastaren giltza eta berme bakarra. Hau da, prozesu politikoa herriarengandik zenbat eta urrunago egon, porrotetik hainbat eta hurbilago egongo da. Hala ere, parte-hartze hori gorpuztu egin behar dugu.

204. Puntua

Aukeratua:C

Nazio eraikuntza eta eraldaketa soziala gure herriak orokorrean dituen gabezia eta behar guztiei eskaintzen diegun alternatiba da. Beraz, programa politiko zabal eta sakona behar du, lehentasunak ezarri eta eraginkortasun politiko beti bilatuko duena. Une edo fase politiko jakin batzuetarako adierazi diren helburuak gorabehera, gure proiektu politikoaren lanketak presente egon behar du zerbait lortuko badugu. Fase politiko bakoitzeko lehentasuna finkatuz, proiektu politikoa landu eta borroka iraunkorra bermatu behar dute Sortuk eta Ezker Abertzaleak, biharko Euskal Herria gaurdanik eraikitzen hasteko. Euskal Herriak une honetan bizi duen egoera politikoan -marko zaharrak agortuta, marko berria adostu eta martxan jartzeko atarian gaudela-, are garrantzitsuagoa da gure proiektu politikoa eta ildo estrategikoa jorratzea, aldaketa politikoaren norabide egokia berma dezagun. Gatazkaren konponbideari begira estatuen jarrera edozein izanda ere, giltzarria nazio eraikuntza eta norabide horretan burututako indar metaketa izango dira.

205. Puntua

Aukeratua:A

Nazio eraikuntza eta eraldaketa soziala definitzean esan dugun bezala, ados gaude oinarrizko definizioarekin, baina, era berean, ari daukagu hori ideologia orotatik egin daitekeela. SORTUren ikuspuntutik, hau da, gure ikusmolde independentista eta ezkertiarretik, nazio eraikuntza eta eraldaketa soziala Euskal Herri independente, sozialista, feminista eta euskalduna egingarria izateko beharrezkoak diren oinarrizko ezaugarriak finkatzera eta indartzera zuzendutako jardunbide politikoa da. Honako hauek dira ezaugarri horietako batzuk: demokrazia parte hartzailea, herritarra, ekologista eta internazionalista, norbanakoen nahiz jendarte osoaren boteretzea ahalbidetu eta biodibertsitate kulturala bideratuko duena, hori guztia zazpi herrialdeek osatutako Estatua lortzeko helburuarekin.